

ISSUES OF THE DEVELOPMENT OF FAMILY ENTREPRENEURSHIP

Gulnora Shodieva

SamISI Professor, Doctor of Economic Sciences.

ANNOTATION:

The article looked at the main areas of development of family entrepreneurship in the service sector and increasing employment and income of the population. It comments on the main eight areas of employment and income growth through the development of family entrepreneurship, and also pays special attention to issues of improving the well-being, survival rate and quality of the population.

Key words: service, family entrepreneurship, employment, welfare of the population, living standards of the population, quality of life of the population, employment

Оилавий тадбиркорликни ривожлантиришнинг энг муҳим жиҳатларидан бири, айнан оиласарда мавжуд ишсиз аҳолини иш билан таъминлаш имкони беради. Шу туфайли охирги йилларда мамлакатни ижтимоий-иктисодий ривожлантириш, фаол тадбиркорликни, хусусан, оилавий тадбиркорликни ривожлантириши қўллаб-кувватлаш орқали аҳолига муносаб ҳаёт шароитларини яратиш борасида кенг кўламли ишлар амалга оширилмоқда. Ушбу масалаларни ҳал қилиш учун инновацион ғоялар ва бунёдкорлик салоҳиятинидан самарали фойдаланиш, ишбилармонлик муҳитини яхшилаш, бандликни таъминлаш бўйича кенг кўламли ишлар амалга ошириб келинмоқда. Жумладан, 2018 йил 7 июнь куни Ўзбекистон Республикаси Президенти Шавкат Мирзиёев томонидан “Ҳар бир оила — тадбиркор” дастурини амалга ошириш тўғрисида”ти қарори зълон қилинди.

Иазкур қарорда “олиб борилган таҳлил натижалари жойларда аҳолини тадбиркорликка жалб қилиш ва бу орқали янги иш ўринларини яратиш, бандликни таъминлаш, ўз меҳнати билан даромад топиш истагида бўлган фукароларга амалий ёрдам кўрсатиш, меҳнат ресурсларидан оқилона фойдаланиш ишлари талаб даражасида эмаслигини кўрсатмоқда”, деб таъкидланган.

Қайд этиш жоизки, бизда меҳнаткаш ҳалқимиз бор. Уларнинг қадимий касб-хунар анъаналари, ишбилармонлик салоҳияти оилавий тадбиркорлик фаолияти қанча замонлар ўтишига қарамасдан сақланиб қолинди. Ҳалқимиз азалдан, хунармандчилик, қасаначилик ва бошқа тадбиркорлик фаолияти турлари билан доимий равища шуғулланиб келмоқдалар. Энди уларни кенг оммалаштириш пайти келди. Ҳалқимиз азалдан мавжуд экин майдонларидан унумли фойдаланган ҳолда қишлоқ хўжалиги маҳсулотлари ишлаб чиқаришни ҳам ўзига хос тарзда сақлаб келмоқда. Бугунги кунда ушбу фаолият турларини кенгайтириш учун катта тажриба ва захира мавжудлигидан фойдаланиб, оилавий тадбиркорликни ривожлантириш учун катта имкониятлар эшиги очилди.

Ҳозирги кунда қишлоқ билан шаҳар ўртасидаги, худудлар кесимидағи тоғовутларнинг мавжудлиги ва уларни қасқатириш борасида сезилари ишлар амалга оширилмоқда. Қишлоқ жойларда саноатнинг барпо қилиниши, қишлоқ аҳолисининг меҳнатини аграв меҳнатдан индустриал меҳнатга айланадиганлиги ҳам маълум тоғовутларнинг бартараф қилинишига хизмат қиласи. Юқоридаги номи зикр этилган қарорда ҳам “...мамлакатимизнинг ҳар бир туман ва шаҳрида, энг аввало олис ва табиий-иклим шароити оғир ҳудудларда аҳолининг моддий шароитларини тубдан яхшилаш, турмуш тарзи сифати ва даражасида сезиларли изжобий ўзгаришлар амалга оширилишини таъминлашга қаратилган” тадбирларни амалга ошириш кўзда тутилган.

“Ҳар бир оила — тадбиркор” дастури доирасида амалга ошириладиган тадбирлар ҳам айнан аҳолининг, оиласарнинг қаерда (шаҳар ёки қишлоқда) яшашидан қатъи назар фаровон яшашлигини таъминлашга қаратилгандир. Ушбу вазифаларни бажариш учун хизмат кўрсатиш соҳасида ҳам оилавий тадбиркорликни ривожлантириш орқали аҳоли бандликни таъминлаш ва даромадларини ошириш лозим бўлмоқда.

**Хизмат қўрсатиш соҳасида оилавий тадбиркорлик ривожлантириш орқали ахоли
бандликни таъминлаш ва даромадларини оширишнинг асосий йўналишлари**

T/p	Оилавий тадбиркорликни ривожлантиришнинг асосий йўналишлари	Асосий йўналишларни амалга ошириш йўллари
1.	Оилаларда тадбиркорлик ташаббусларини ҳар томонлама қўллаб-қувватлаш	Ҳар бир оиласда тадбиркорлик билан шуғулланиш истагида бўлганлар бўлса, уларнинг тадбиркорлик ташаббусларини ҳар томонлама қўллаб-қувватлаб, тегишли шароитлар яратиб бериш, уларга имтиёзли кредитлар ажратиш ҳамда тадбиркорлик фаолиятини ташкил этиш ва амалга ошириш жараённида мутасадди идоралар томонидан тизимли амалий ёрдам кўрсатилишини таъминлаш лозим бўлади.
2.	Оилавий тадбиркорлик билан шуғулланиш истаги бор кишиларни тадбир-корлик кўникмасини эгаллашга қўмаклашиш – ўқув курсларини ташкил қилиш	Оилавий тадбиркорлик билан шуғулла-ниб, оиласа даромад келтирадиган меҳнат фаолияти билан банд бўлиш истаги бўлсаю, уларда тадбиркорлик билан шуғулланиш бўйича билими ва кўникмаси бўлмаса, бундай оила аъзоларини ўқитиш ва тадбиркорлик кўникмаларини ўргатиш ҳамда тегишли фаолият турларини ташкил қилишга амалий ёрдам кўрсатиш мақсадга мувофиқ.
3.	Оилавий тадбиркорликни кенгайтиришга қўмакла-шиб, янги иш ўринларини яратиш	Оилавий тадбиркорлик билан шуғул-ланаётган субъектларда имкониятлар пайдо бўлиб, тадбиркорлик фаолиятини кенгайтиришга зарурат пайдо бўлган тақдирда, уларга амалий ёрдам бериш орқали қўшимча иш ўринлари яратиб бандлик муаммосининг ҳал бўлишига қўмаклашиш лозим бўлади.
4.	Оилавий тадбиркорликни касаначилик ва кичик ҳажмда ишлаб чиқарувчи микрофирмаларни ташкил этиш эвазига даромад маанбанин кенгайтириш	Оилавий тадбиркорликнинг, айниқса ёш болали оиласларни касаначилик орқали бандлигини таъминлаш ва кичик ҳажмда ишлаб чиқарувчи субъектларни (микрофирмаларни) ташкил этиш учун маҳаллаларда касаначилик марказларини ташкил қилиш, зарур ҳолларда уларга молиявий ёрдам бериш орқали аҳолини банд қилиш ва қўшимча даромад ишлаб топиш имкониятини яратиш лозим.

5.	Ҳар бир оиланинг ихти-сослашувини ҳисобга олган ҳолда мини клас-терларни ташкил қилиш	Мамлакатимиздаги қишлоқ ва шаҳар маҳаллаларнинг ихтисослашувини (хунармандчилик, тикувчилик, қишлоқ хўжалиги маҳсулотларининг айрим тур-ларини етишириш, ихчам иссиқхоналар ташкил қилиш ва бошқалар) ҳисобга олган ҳолда мазкур соҳани кенгайтириш орқали бандлик муаммосини ҳал қилиш бўйича ижобий натижаларга эришган ишбилармонлик тажрибасига эга тадбир-корларни маҳаллаларда янги бизнес фаолияти билан шуғулланишни бошлаган оиласларга бириктириш – мини-кластерлар ташкил этишга кўмаклашиб, тадбиркор-ликни ривожлантиришга эришиш.
6.	Оиласлар тадбиркорликка кўмаклашадиган инфра-тузилма объектларини яратиш	Қишлоқ жойларда оиласлар тадбиркорлик-ка кўрсатиладиган хизматлар кўламини тубдан кенгайтириш, тадбиркор оиласлар-нинг ишлаб чиқарган маҳсулотлари сақлаш ва сотишини ташкил қилувчи бозор инфратузилмаси объектлари, хизмат кўрсатиш ва сервис шохобчаларини барпо этиш орқали янги иш ўринларини яратиш ва шу йўллар билан оиласлар тадбиркор-ликни ривожлантиришга кўмаклашиб.
7.	Бўш турган ер майдонла-ри ва биноларни оиласлар тадбиркорлик билан шуғулланиш истагидаги аҳолига бериш	Мамлакатимизнинг қишлоқ ва шаҳар маҳаллаларида бўш турган ер майдонлари-ни янги ташкил этилаётган маҳаллий оиласлар тадбиркорлик субъектларига кимошди савдосини ўтказмасдан бериш орқали аҳоли учун қўшимча иш ўринлари ва оиласлар учун даромад манбаларини яратиш;
8.	Маҳаллаларда давлат рўй-хатидан ўтmasдан фаолият юритаётган тадбиркорларни қонунийлаштириш	Маҳаллаларда кўплаб давлат рўйхатидан ўтmasдан фаолият юритаётган якка тадбиркорлар мавжуд. Буларни аниқлаб, улар фаолиятини қонунийлаштириб, рўйхатга олиш ва иш билан бандлик рўйхатига киритиб, уларнинг молиявий хўжалик фаолиятини йўлга қўйиш юзаси-дан аниқ чора-тадбирларни амалга оширишга эришиш ҳам мақсадга мувофиқ.

Жадвалдан кўриниб турибдики, биринчи галда тадбиркорлик ташабbusларини ҳар томонлама қўллаб-қувватлаш лозим экан. Буни амалга ошириш учун оиласлар тадбиркорлик билан шуғулланиш истагида бўлган аҳолининг тадбиркорлик ташабbusларини ҳар томонлама қўллаб-қувватлаш лозим бўлади. Ушбу тадбирлар бир канча ишларни амалга оширишни тақозо қилади. Хусусан, тадбиркорлик фаолиятини ташкил этиш уларга имтиёзли кредитлар ажратиш мақсадга мувофиқ бўлади. Тадбиркорликни амалга оширишнинг ҳар бир босқичида мутасадди идоралар томонидан тизимли амалий ёрдам кўрсатилишини таъминлаш масаласи ҳам ўта долзарб масалалар сирасига киради. Бу борада тадбиркорлар билан банк ходимлари ўртасида келиб чиқадиган турли келишмовчиликлар ва низоларнинг ҳам олди олинади.

Юқоридаги ишларни амалга ошириш билан боғлиқ яна бир масала, оиласлар тадбиркорлик билан шуғулланиш истаги бор кишиларни оиласлар тадбиркорлик бўйича тегишли малака ва кўнижмасини эгаллашга кўмаклашиб масаласидир. Бунинг учун жойлардаги савдо-саноат палаталари айнан маҳаллаларда шу йўналишлар бўйича ўкув курсларини ташкил қилиш ҳам мақсадга мувофиқдир.

Оилавий тадбиркорлик албатта даромад келтирадиган меҳнат фаолиятидан иборатdir. Ушбу ишлар билан шуғулланмаган аҳолига тадбиркорлик қўникмаларини ўргатиш ва тегишли фаолият турини ташкил қилиш учун мавжуд имкониятлардан келиб чиқиб, амалий ёрдам кўрсатиш ҳам маҳаллий ҳокимият раҳбарлигига маҳаллаларда амалга ошириш лозим бўлади.

Ҳар бир ташкил қилинган оилавий тадбиркорлик субъектида янги иш ўринлари яратилади ва у ерда истикомат қилувчилар ҳар куни “бир бурда noni”ни ишлаб топади. Шу туфайли оилавий тадбиркорликни кенгайтиришга қўмаклашиб, янги иш ўринларини яратиш масалаларига алоҳида эътиборни қаратиш лозим бўлади. Оилавий тадбиркорлик субъектлари фаолиятини кенгайтиришга амалий ёрдам бериш орқали қўшимча иш ўринлари яратилади. Бунинг энг характерли жиҳати шундаки, ходим ҳеч кимга тобе бўлмайди. У ўзини-ўзи иш билан таъминлаш билан бирга ҳамма масъулият ўз бўйнига олади. Бунда оилавий тадбиркорлар “ўзига-ўзи масъул ва ўзига-ўзи жавобгар” томойилида иш кўради.

Алоҳида таъкидлаш жоизки, оилавий тадбиркорликни касаначилик ва кичик ишлаб чиқарувчи микро фирмаларни ташкил этиш эвазига ҳам ривожлантириш йўли мавжуд. Шу йўл билан оилаларнинг даромад манбанини кенгайтиришга эриши лозимдир. Ҳозирги кунда касаначилик ва кичик ҳажмда ишлаб чиқарувчи субъектларни (микро фирмаларни) ташкил этиш учун тегишли имкониятларни ишга солиш мумкин. Жумладан, йирик корхоналар йўқ бўлган қишлоқ жойларда касаначиликни ташкил қилиб, уларга молиявий ёрдам бериш орқали аҳолини банд қилиш ва уларнинг қўшимча даромад ишлаб топиш имкониятини яратади.

Оилавий тадбиркорлик субъектларининг асосий қисми микро фирмалар доирасида кичик ҳажмдаги корхоналарга тўғри келади. Аммо маҳсулотни ишлаб чиқаришни ташкил қилиш, уни сақлаш, қайта ишлаш, сотиш каби жараёнлар битта оиласа оғирлик қилади. Шу туфайли қишлоқларда ҳар бир оиланинг ихтисослашувини ҳисобга олган ҳолда мини кластерларни ташкил қилиш ҳам мақсадга мувофиқдир.

Тадқиқотларимиз кўрсатди, қишлоқ ва шаҳар маҳаллаларининг ихтисослашуви турли йўналишда бўлиши мумкин экан. Бир жода аҳоли асосан хунармандчилик билан шуғулланса, иккинчи қишлоқда ёки шаҳар маҳалласида тикувчилик яхши йўлга қўйилган. Бугунги кунда, қишлоқ туманларида қишлоқ хўжалиги маҳсулотларининг айрим турларини етиштириш, ихчам иссиқхоналар ташкил қилиш масалаларига ҳам алоҳида аҳамият берилмоқда. Буларни ҳисобга олган ҳолда мазкур соҳада ижобий натижаларга эришган ишбилармонлик тажрибасига эга тадбиркорларни маҳаллаларда янги бизнес фаолияти билан шуғулланиши бошлаган оилаларга бириктириш орқали мини-кластерлар ташкил этиш мақсадга мувофиқ. Кластерларнинг ижобий жиҳатлари жуда кўп, улардан бири қишлоқ хўжалик маҳсулотларини “даладан достурхонгача” тамоилии асосида етказиш жараёнларини битта жамода тўпланишидир. Бунинг афзаллиги, маҳсулотнинг нобуд бўлиши кескин камаяди, сотиш жараёнида хизматлар сифати ошади, муҳими озиқ-овқат хавфсизлигининг таъминланишига хизмат қилади.

Бугунги кунда оилавий тадбиркорликка қўмаклашадиган инфратузилма объектларини яратиш масаласи ҳам ўта долзарб масалалардан биридир. Ҳозирги пайтда қишлоқ жойларда оилавий тадбиркорликка кўрсатиладиган хизматлар қўламини тубдан кенгайтиришни тақозо қилмоқда. Оилавий тадбиркорларнинг ишлаб чиқарган маҳсулотлари сақлаш, қайта ишлаш ва савдосини ташкил қилиш бевосита у ердаги бозор инфратузилмаси объектларининг мавжудлиги ва хизмат кўрсатиш ҳамда сервис шоҳобчаларини барпо этилиши билан ҳам боғлиқ жиҳатлари кўп. Шу туфайли оилавий тадбиркорликнинг асосий йўналишларидан бири, аҳолига, ишлаб чиқарувчи субъектларга хизмат кўрсатиш инфратузилмасини барпо этишга қаратишни тақозо қилади. Зоро, хизмат кўрсатиш асосан кўл меҳнати билан амалга оширилганлиги учун, унинг субъектлари қанча кўп бўлса, аҳолининг бандлиги ҳам шунча кўп бўлади.

Малумки, қишлоқ жойларда жуда кўп бинолар ва ер майдонлари фойдаланилмасдан келинмоқда. Шу туфайли бўш турган ер майдонлари ва биноларни оилавий тадбиркорлик билан шуғулланиш истагидаги аҳолига кимошди савдосини ўтказмасдан бериш амалиётини жорий қилиш лозим бўлади. Бунинг учун қишлоқ ва шаҳар маҳаллаларида бўш турган ер майдонларини асосан янги ташкил этилаётган оилавий тадбиркорлик субъектларига бериш мақсадга мувофиқ.

Чунки тадбиркорликнинг дастлабки қадамлари енгил бўлса, келажакда улар кучайиб кетишига яхшигина имконият бўлади. Ушбу тадбирлар ҳам аҳоли учун қўшимча иш ўринлари ва даромад манбаларини яратишда асосий омиллардан бири бўлиб қолади.

Хозирги кунда маҳаллаларда давлат рўйхатидан ўтмасдан фаолият юритаётган “тадбиркорлар” ҳам етарли. Эндилиқда буларнинг фаолиятига барҳам берадиган вақт келди. Чунки, рўйхатидан ўтмасдан фаолият кўрсатиш яширин иқтисодиётнинг жойлардаги илдиз отган элементлардан бири бўлиб ҳисобланади. Ушбу фаолиятни қонунийлаштириб, тегишли тартибда рўйхатдан ўтказиб, тўлаконли тадбиркорлик субъектига айлантириш лозим.

Яширин иқтисодиёт билан шуғулланган тадбиркорлар пул маблағлари-ни ишлаб топиб, уни айланма маблағлрни қўлга киритсаларда, давлат томонида молия-хўжалик фаолиятини амалга оширувчи ҳисобланмайди. Чунки унинг маҳсулот ялпи худудий маҳсулотда ҳам, солик базасида ҳам ифода этилмайди. Шу туфайли бугунги кунда давлат рўйхатидан ўтмасдан фаолият юритаётган тадбиркорларни аниқлаб, улар фаолиятини тиклаш ва қонунийлаштириш юзасидан аниқ чора-тадбирларни амалга ошириш лозим бўлмоқда. Ушбу тадбирлар мамлакатимизда яширин иқтисодиётни бартараф қилиш билан бирга аҳолининг қонуний даромадларини кўпайтиришнинг, бюджетга тўланадиган соликларнинг янги манбаларининг пайдо бўлиш имкониятларини ҳам яратади.

Хулоса қилиб айтганда, хизмат кўрсатиш соҳасида оилавий тадбиркорлик ривожлантириш орқали аҳоли бандлигини таъминлаш ва даромадларини оширишнинг асосий йўналишлари амалиётга жорий қилинса, аҳолининг бандлиги таъминланиб, ишсизлик муаммоси ҳал қилинади, даромадлари кўпайиб, уларнинг фаровонлиги, яшаш даражаси ва сифатининг оширилишига эришилади. Бу мос равища Ўзбекистон Республикасини ривожлантиришнинг 2017-2021 йилларга мўлжалланган бешта устувор йўналиши бўйича Ҳаракатлар стратегияси ижросини, аҳоли бандлигини таъминлаш бўйича давлат органлари ишлари самарадорлигини ошириш, аҳолини меҳнат фаолиятига жалб қилиш учун қулай шарт-шароитлар яратиш, шунингдек, янги иш ўринларини ташкил этувчи тадбиркорлик субъектлари фаолиятини рағбатлантириш имкониятларини ҳам яратади.

Адабиётлар рўйхати

- 1.Shodieva G. M., Pardaeva O. M. Problems of family entrepreneurship developing and increasing employment and income of the population and reducing poverty //Gwalior Management Academy. – T. 23. – C. 210.
 - 2.Bhadouria P. S. GWALIOR MANAGEMENT ACADEMY //WAY. – T. 87.
 - 3.Shadieva G. M., Kuvandikov S. O. " Mahallabay" approach to assessing the role of family entrepreneurship in regional development //Экономика: анализы и прогнозы. – 2021. – №. 3. – С. 122-126.
- MLA**
- 4.Shadiyeva G. Opportunities to Develop Small Business and Family Entrepreneurship in Rural Areas //Academic Journal of Digital Economics and Stability. – 2021. – Т. 7. – С. 101-106.
 - 5.Shodieva G. M. Problems of organizational and economic factors and service development in the improvement of family welfare (Doctoral dissertation, Dissertation for the degree of Doctor of Economics. Samarkand). – 2008